

Тошкент вилояти Бўстонлиқ туманидаги «Севарсой» санаторийсида «Санатор-курорт тартибида даволашнинг замонавий жиҳатлари, тиббий реабилитация ва туризм» мавзусидаги халқаро илмий-амалий конференция бўлиб ўтди. Ўзбекистон касаба уюшмалари Федерацияси ташаббуси билан ташкил этилган ушбу нуфузли анжуманда етмишдан ортиқ давлатдан вакиллар, хусусан, Хитой, Россия, Монголия, Италия, Исроил, Болгария, Чехия, Қозғистон, Беларусъ, Шимоллий Македония, Қирғизистон, Тожикистон ва Озарбайжондан соҳа мутахассислари, олимлар, врач-шифокорлар иштирок этишди.

Замонавий санатор-курорт соҳасининг илғор тажрибаларини ўрганишни, ўзаро тажриба алмашишни мақсад қилган анжуман Ўзбекистон касаба уюшмалари Федерацияси раиси, сенатор Қудратилла Рафиқовнинг конференция иштирокчиларига қутлов сўзи билан очилди.

Ishonch

Yurt taraqqiyoti yo'lidagi birlashaylik!

2023-yil
27-may
shanba
№ 66 (4818)

Ўзбекистон касаба уюшмалари Федерацияси нашри • Газета 1991- йил 21-мартдан чиқа бoshлаган




Санатор-курорт тартибида даволаш: ИЛҒОР ТАЖРИБАЛАР, ЗАМОНАВИЙ ЙўНАЛИШЛАР



КУН нафаси

■ Президент **Шавкат Мирзиёев** 26 май куни Тошкент шаҳри Чилонзор sanoat зонасидаги корхоналар фаолияти билан танишди.

■ Ўзбекистон Республикаси Президенти **Шавкат Мирзиёев** 26 май куни «Air Products» компанияси бош ижрочи директори **Сейфи Гасемини** қабул қилди.



■ «Ёқилғи-энергетика соҳасида давлат назорати механизмларини такомиллаштириш ва «рақамли энергосозорат» тизимини жорий этиш тўғрисида»ги Президент фармони қабул қилинди.



■ Қорақалпоғистон тиббиёт институти клиникасида госпиталь турдаги «**Меҳрли мактаб**» филиали очилди. «Меҳрли мактаб»га таширф чоғида Зироат Мирзиёева бу ерда яратилган шароитлар билан танишди, болалар билан самимий суҳбатлашиб, педагоглар ва ота-оналарга далда сўзларини изҳор этди.



■ Ўзбекистон инвестициялар, sanoat va savdo vaziri **Лазиз Қудратов** Буюк Британия Экспортни молиялаштириш агентлиги (UK Export Finance – UKEF) бош ижрочи директори **Тим Рид** билан музокаралар ўтказди.

■ Ўзбекистон инвестициялар, sanoat va savdo vaziri **Лазиз Қудратов** Сингапур меҳнат ресурслари вазири, savdo va sanoat ikinchi vaziri **Тан Си Ленг** билан учрашди.

■ Навоий вилояти, Хатирчи туманининг «Олтинсой» маҳалласидаги шоир Амиркул Пулкан боғида Сурхондарё вилояти, Термиз шаҳридаги Бахшичилик мактаби ижодий жамоаси иштирокида «**Саҳро бахшилари**» musiqiy festivali бўлиб ўтди.



Фарғона
вилояти

Касаба уюшма аралашгач...

ДИРЕКТОР

вазифасидан ноҳақ бўшатишган эди

Сўх туманида яшовчи **Фозилжон Мирзоевнинг** меҳнатга оид ҳуқуқлари бузилгани ва ишга тиклаш бўйича қилган мурожаати **Ўзбекистон касаба уюшмалари Федерацияси Фарғона вилояти кенгаши ҳуқуқшунослари** томонидан ўрганиб чиқилди.

Маълум бўлишича, **Ф.Мирзоев** шу пайтгача Сўх туманидаги 2-мактабда директор лавозимида ишлаб келган. Бироқ иш берувчининг буйруғи билан у билан тузилган меҳнат шартномаси бекор қилинган.

Ўрганишлар давомида меҳнат шартномасини бекор қилишда амалдаги меҳнат қонунчилиги талаблари бузилгани аниқланди.

Ўзбекистон касаба уюшмалари Федерацияси Фарғона вилояти кенгаши мурожаатчи **Ф.Мирзоевни** ишга тиклаш ёки ўз мутахассислиги ва малакасига мос келадиган иш билан таъминлаш бўйича Мактабгача ва мактаб таълими вазирига тақдимнома киритгач, у Сўх туманидаги 2-мактаб директори лавозимига ишга тикланди.

Авазхон Тўрахўжаев,
Ўзбекистон касаба уюшмалари
Федерациясининг
Фарғона вилояти кенгаши бош
юрисконсулти

Маълумки, Ўзбекистон касаба уюшмалари Федерацияси Халқаро меҳнат ташкилоти билан ҳамкорликда тез-тез ҳар хил тадбирлар ўтказди. Навбатдаги тадбир «Норасмий иқтисоддан расмий иқтисод сари» лойиҳаси асосида Ахборот технологиялари ва оммавий коммуникация ходимлари касаба уюшмаси томонидан ташкил этилди.

НОРАСМИЙ ИҚТИСОДДАН РАСМИЙ ИҚТИСОД САРИ

Ундан кўзланган асосий мақсад 40 нафар тармоқ касаба уюшма фаоллигининг аҳоли меҳнат ҳуқуқларини ҳимоя қилиш борасидаги билим ва тажрибаларини ошириш, шунингдек, норасмий иш билан банд бўлганларга кўмаклашиш механизмларини ўргатишдан иборат бўлди.

Машғулотларнинг дастлабки кунинда касаба уюшмаларининг жамиятдаги роли ва вазифалари тушунирилди ҳамда хориж касаба уюшмаларининг тажрибалари ўрганилди. Иккинчи кун Халқаро меҳнат ташкилотининг ҳуқуқий ваколатлари, чунончи, муҳим конференциялар хусусида сўз юритилди. Учинчи кун норасмий равишда ишловчилар билан ўзаро муносабат ўрнатиб, тушунтириш ишларини олиб бориш масалалари муҳокама қилинди. Шунингдек, уларни расмий иш фаолиятини танлашга ўргатувчи сабоқлар берилди.

Фаоллар иш фаолиятларини мустақил равишда белгилаш, ҳаракат режаларини амалга ошириш учун барча ресурслардан фойдаланиш, уларни назорат қилиш, белгиланган мақсадларга эришиш, турли вазиятларда муваффақиятли стратегияларни танлаш, биргаликдаги фаолият жараёнида самарали мулоқотда бўлиш ва ўзаро ҳамкорлик қилиш каби кўникмаларга эга бўдилар. Улар иш

билан норасмий банд шахслар ўртасида тарғибот-ташвиқот ишларини олиб боришдан ташқари, зарур хизматлар кўрсатадилар, фуқаролик ва меҳнат ҳуқуқларини ҳимоя қиладилар, манфаатдор томонлар билан бирга меҳнат муносабатларини тартибга солувчи ижтимоий шериклик жорий этилишида фаол қатнашадилар. Бу эса норасмий банд бўлганларнинг ижтимоий ва меҳнат ҳуқуқларини ҳимоя қилиш кўлайишига, тармоқда норасмий бандлик улуши камайишига хизмат қилади.

Умид **Худойберганава**
«ISHONCH»

www.ishonch.uz

ishonch1991@yandex.uz

<https://www.facebook.com/ishonch.gazetasi>

<https://t.me/ishonchgaz>



Сиддиқ Абдурахимов олган суратлар

Халқаро анжуман

Санатор-курорт тартибида даволаш: ИЛҒОР ТАЖРИБАЛАР, ЗАМОНАВИЙ ЙЎНАЛИШЛАР

<<< 1

Шундан сўнг иштирокчиларга Ўзбекистон касба уюшмалари Федерациясининг Санатор-курортлар бошқармаси бошлиғи Анвар Аҳмедов мамлакатимизда санатор-курорт тартибида даволашнинг ташкил қилиниши ҳақида батафсил маълумот берди.

Таъкидланганидек, Ўзбекистон касба уюшмалари Федерацияси томонидан ишчи-ходимлар ва уларнинг оила аъзоларини соғломлаштиришнинг қамров ва сифатини кенгайтириш борасида кенг кўламли ишлар амалга оширилмоқда.

Бугунги кунда Ўзбекистон касба уюшмалари Федерацияси тизимида 7 минг ўриндан ортиқ 31 та санаторий муваффақиятли фаолият кўрсатмоқда. Санатор-курорт муассасаларида 3552 нафардан ортиқ, жумладан, 272 нафар шифокор ва минг нафардан зиёд ходим меҳнат қилмоқда.

2022 йилда санатор-курорт муассасаларида бўлганлар 2016 йилга нисбатан ўртача 1,2 баробарга, реабилитациядан ўтганлар сони эса 1,3 баробарга ошган. Беморларнинг доимий мониторинги олиб борилади ва санатор-курорт муассасаларида профил мунтазам равишда таҳлил қилинади.

Энг муҳими, бу борадаги ишлар изчил давом эттирилмоқда. Қамров ва сифатни кенгайтириш мақсадида янги санаторийлар бунёд этиляпти. Тошкент вилоятининг Чимён тоғ-курорт мажмуасида ўтган



йили фойдаланишга топширилган «Севарсой» санаторийси ҳам шулардан биридир.

Тадбир доирасида иштирокчилар санаторийда яратилган шароитлар билан танишишди.

Анжуман давомида соҳадаги муҳим масалалар муҳокама қилинди. Ўзаро тажриба алмашилди. Мутахассислар ўзларининг қизиқарли маърузаларини тақдим этишди. Хусусан, Италиянинг Падуа университети профессори Стефано Масиеронинг «Термал шароитда реабилитация», «Ковиддан кейинги даврда Италиядаги ҳолат ва истиқболлар», Исроил тиббиёт ассоциацияси раиси ўринбосари Алекс Левиннинг «Палаткадан замонавий юқори технологияли тиббий хизмат», Хитой жисмоний тиббиёт ва реабилитация жа-

мияти раҳбари Моуван Чойнинг «Хитойда тиббий реабилитация сифатининг назорати», Болгариядаги Жануби-Шарқий Европа давлатлари форуми раҳбари Андрей Кехаевнинг «Болгарияда СПА ва соғломлаштириш тизимидаги замонавий тенденциялар. Пампорова курорти ва унинг СПА ҳамда туристик объеклари» каби илмий маърузалари иштирокчиларда катта қизиқиш уйғотди.

– Конференцияда бошқа давлатларнинг методлари билан танишиб, уларни ўргандим, – дейди Италиядаги Падуа университети профессори Стефано Масиеро. – Ўзбекистондаги бир қатор санаторийлардаги шарт-шароитлар билан танишдим. Биринчидан, уларнинг жойлашуви жуда чиройли ва ҳайратланарли. Сизлардаги шароит,

сизлардаги билим ва кўникмалар соҳани бундан-да ривожлантириш учун етарли. Биз ҳамкорлик қилишга тайёرمىз.

– Конференцияда иқлимий ёки бетакрор ландшафт ёрдамида даволаш, пейзажлар ёрдамида психотерапевтик даволаш усулларидадан фойдаланиш, уйку курорти орқали даволаш, ушбу йўналишдаги илмий изланишлар хусусида сўз борди, – дейди Беларусининг «Белпрофсоюзкурорт» УК бош директорининг даволаш ишлари бўйича ўринбосари Андрей Каминский. – Мазкур муолажа психологик таъсири билан биринчи ўринда турадиган даволаш усули саналади. Бугун биз унинг самарасини кўряпмиз. Аммо бугун билдикки, унинг ишлаш механизмини такомиллаштириш зарурати мавжуд. Анжуманда бу борадаги қарашлар ва янгилликлар илгари сурилди. Умуман олганда, тадбир билим ва малака оширишда катта аҳамиятга эга бўлди. Таассуротларимиз катта.

Тадбирда Ўзбекистон касба уюшмалари Федерацияси Санатор-курортлар бошқармаси билан Падуа университети, Россия курортология илмий текшириш институти ва Жануби-Шарқий Европа давлатлари Форуми ўртасида меморандум имзоланди.

Иштирокчилар «Оқтош», «Заркент» ва «Чинобод Плаза» санаторийларида дам олувчиларга яратилган шарт-шароитлар, хусусан, муолажа турлари, тиббий асбоб-ускуналар, сув билан даволаш бўлимидаги даволаш усуллари билан ҳам яқиндан танишишди.

– Умумий мақсад бир эди, – дейди Хитой жисмоний тиббиёт ва реабилитация жамияти раҳбари Моуван Чой. – Саломатликни мустаҳкамлаш, инсонни қадрлаш. Шу маънода, анжуман қарашларни ўртолқлашиш, турлича ёндашувларни муҳокама қилишда муҳим аҳамият касб этди. Ўйлайманки, бу ерда олган бой тажриба ва янги билимларимиз ҳаммамизга асқатади, соҳани янада ривожлантиришга ҳисса қўшимиз учун муҳим асос бўлиб хизмат қилади.

Икки кунлик анжуман сўнггида меҳмонларнинг Самарқанд шаҳрига саёҳати уюштирилди.

Нилуфар АБДУМАЛИКОВА,
Мадина ПЎЛАТ қизи,
«ISHONCH» мухбирлари



Конференция

Лойиҳа маъқулланди

Олмалиқ кон-металлургия комбинати ходимлари касба уюшмаси кенгаши маъмурият билан келишган ҳолда жамоа шартномасига янгилик ва ўзгартиришлар киритиб, янада такомиллаштирмоқда. Бунинг барчаси комбинат меҳнаткашлари бугунги кунидан рози бўлиб, фаровон ҳаёт кечиришларини таъминлаш учун амалга ошириляётган ишлар, десак, муболаға бўлмайди.



Сўзимизнинг исботини жамоа шартномасининг 2022 йилда амалга оширилган тадбирларини сарҳисоб қилиш ҳамда 2023-2025 йиллар учун мўлжалланган лойиҳасини маъқуллашга бағишланган конференцияда келтириб ўтилган рақамлардан аналгшишимиз мумкин.

Тадбирда комбинат бошқаруви раиси Абдулла Хурсанов, Касаба уюшмалари Федерацияси Меҳнат-кашларнинг ижтимоий-иқтисодий манфаатларини ҳимоя қилиш бўлими мудири Махмуджон Исаев, комбинат ходимлари касба уюшмаси раиси, маъсуллари, корхона, ташкилотлардан сайланган 100 нафар делегат зоом платформаси орқали иштирок этди.

Дастлаб ўтган йили жамоа шартномасида иш берувчи томонидан кўрса-

тилган мажбуриятларнинг бажарилиши юзасидан комбинат бошқаруви раиси маърузаси тингланди. Қайд этилишича, комбинат ишчилари ишлаб чиқариш кўрсаткичларининг бажарилишини тўлиқ таъминлашмоқда. Бундан ташқари, амалга ошириляётган ишлар, инвестиция лойиҳалари, янги барпо этиляётган корхоналар ҳамда келажакдаги истиқболли режалар ҳақида сўз юритилди.

Комбинатнинг аввалги жамоа шартномаси 16 бўлим 186 та банддан иборат бўлган, янгиси эса 18 бўлим ва 230 та бандни ўз ичига олмоқда. Яъни қўшимча меҳнат таътиллари, мукофот пуллари миқдорининг оширилиши, ходимларни касбга тайёрлаш, қайта тайёрлаш ва уларнинг малакасини ошириш, ишни таълим билан

бирга олиб борувчи ходимларга кафолатлар ва компенсациялар каби бандлар ўз аксини топгани эътироф этилди.

Касаба уюшмаси кенгаши раиси Абдурашид Ҳайдаров ходимларга зарарли ишлаб чиқариш омилларидан холи бўлган, бехатар меҳнат шароитлари яратиб берилиши устидан касба уюшмаларининг доимий жамоатчилик назоратини ташкил қилиш, фаолларнинг меҳнат муҳофазаси соҳасидаги билим, кўникмаларини янада оширишга қаратилган тизимли ишлар бажарилганини таъкидлади. Делегатлар ҳам ўй корхоналарида ўтган йили жамоа шартномасининг ҳар бир банди бўйича амалга оширган ишлар тўғрисидаги ҳисоботларини тақдим этишди.

Конференция якунида комбинатда жамоа шартномасининг бажарилиши қониқарли деб топилди. 2023-2025 йиллар учун мўлжалланган жамоа шартномаси бир овоздан маъқулланиб, тегишли қарорлар қабул қилинди.

Феруза БОЗОРОВА,
«Олмалиқ КМК» АЖ
ходимлари касба
уюшмаси раисининг
иқтисодий масалалар
бўйича маслаҳатчиси

«Ўзбекистон темир йўллари» акциядорлик жамиятида жамият ҳамда Темирйўлчилар ва транспорт қурувчилари касба уюшмаси Республика кенгаши ўртасида 2021-2023 йиллар учун тузилган Тармоқ жамоа келишуви мажбуриятларининг 2022 йилда бажарилиши ҳамда 2023-2025 йиллар учун тузилган Тармоқ жамоа келишуви юзасидан қўшма йиғилиш ўтказилди.



Йиғилиш

Жамоа келишуви қабул қилинди

Йиғилишда мавзу юзасидан жамият бошқаруви раиси в.б. Х.Ҳосилов, тармоқ ходимлари касба уюшмаси Республика кенгаши раиси Қ.Собиоров, Иқтисодий таҳлил ва прогнозлаш бошқармаси бошлиғи Н.Бабахалов, минтақавий темир йўл узеллари ҳамда ишлаб чиқариш корхоналарининг касба уюшма кўмитаси раисларининг ҳисоботлари тингланди. «Ўзбекистон темир

йўллари» акциядорлик жамияти томонидан ўтган йилда 73 363 тонна халқ ҳўжалиги юклари жўнатилиб, бу 2021 йилга нисбатан 101,2 фоизни ташкил этгани, Тармоқ жамоа келишувида кўрсатилган бандларнинг бажарилиши учун эса 1 триллион 417 миллиард 800 миллион сўм сарфлангани алоҳида айтиб ўтилди.

Шундан сўнг Республика кенгаши ра-

иси ўринбосари М.Розиметов сўзга чиқиб, янги Меҳнат кодекси жорий йил 30 апрелдан кучга киргани, қонунлар ва қонуности норматив-ҳуқуқий ҳужжатларга киритиляётган ўзгартиш ҳамда қўшимчалардан келиб чиқиб, янги тахрирдаги Тармоқ жамоа келишуви лойиҳаси ишлаб чиқилганлигини қайд этди. Бу жараёнда корхона, ташкилот, муассасалар ходимларининг таклиф ва мулоҳазалари эътиборга олинганини таъкидлади.

Федерация раиси ўринбосари, Меҳнат инспекцияси бошлиғи Қ.Қирғизалиев эса ходимларга муносиб меҳнат шароитларини яратиш ҳамда меҳнат муносабатларига оид норматив-ҳуқуқий ҳужжатларга риоя этишдаги ишлар аҳолини мунтазам назорат этиб бориш, бу борада тегишли чора-тадбирлар режаларини ишлаб чиқиш юзасидан олинганлиги берди.

Йиғилишда келгусидаги режалар белгилаб олинди, 2023-2025 йиллар учун тузилган Тармоқ жамоа келишуви бир овоздан қабул қилинди.

Шерзод ЮЛДОШЕВ,
Темирйўлчилар ва транспорт
қурувчилари касба уюшмаси Республика
кенгаши бўлим мудири

Сўранг, жавоб берамиз...

Савол: Бир танишимнинг жияни мамлакатимиздаги қўшма корхонада ишлаб, доимий яшаб келаётган чет эллик киши билан турмуш қурапти. Никоҳни йиғитнинг хоҳишига кўра, унинг юртида расмийлаштиришмоқчи. Бу никоҳ, Ўзбекистонга қайтиб келгач, қонуний ҳисобланадими?

Зоҳид УСМОНОВ
Жомбой тумани

**ХОРИЖДА
РАСМИЙЛАШТИРИЛГАН
НИКОҲ МАМЛАКАТИМИЗДА
ҲАҚИҚИЙ
ҲИСОБЛАНДИМИ?**



ЖАВОБ: Оила кодексида кўра, бошқа давлат ҳудудида ўша давлатнинг қонун ҳужжатларига риоя қилинган ҳолда Ўзбекистон фуқаролари ҳамда Ўзбекистон фуқаролари билан чет эл фуқаролари ёки фуқаролиги бўлмаган шахслар ўртасида тузилган никоҳлар, агар юртимиз қонунларида назарда тутилган никоҳ тузишга монелик қиладиган ҳолатлар (никоҳланувчилардан лоақал биттаси рўйхатга олинган бошқа никоҳда турган шахс эканлиги, насл-насаб шажараси бўйича тўғри туташган қариндош ёки туғишган ва ўғай ака-ука билан опа-сингил эканлиги, шунингдек, улардан лоақал биттаси руҳий касаллиги сабабли суд томонидан муомалага лаёқатсиз деб топилган шахс эканлиги) бўлмаса, Ўзбекистонда ҳақиқий деб эътироф этилади.


Мамлакатимизда доимий яшаб турган чет эл фуқаролари ва фуқаролари бўлмаган шахслар оилавий муносабатларда Ўзбекистон фуқаролари билан тенг ҳуқуқлардан фойдаланади ва тенг мажбуриятларга эга бўлишади.

Ҳуқуқ ва халқаро
ҳаёт бўлими



Челакқокти кишлоғида Қўркмасвой Қайтмасовични ҳамма яхши танийди. Чунки у кишлоқдан чиққан қалдирғоч «ёзғувчи», «Ижоди»ни шамчиروق остида юмалоқ хат ёзишдан бошлаган. Бир йили Намозбой фермер «Нексия» сотиб олганди. Қўркмасвой дарров қаламини ишга солиб юборди. Фермерни роса сарсон қилишди. Юмалоқ хатнинг кучи уни инфаркт қилди. Яна бир Ҳалимбой деган девдай йигит ота-онасидан қолган эски уй ўрнида пишган ғишдан икки қаватли уй солишни бошлаганди, Қўркмасвой уни ҳам аяб ўтирмай «юмалоқ ёстиқ» қилиб ташлади.

«Алвидо, қалам!»



У исми жисмига монандлигидан ҳеч нарсадан қўрқмай юмалоқ хат ёзишнинг устаси бўлиб кетди. Бора-бора кишлоқдагилар ундан узокроқ юрадиган бўлишди. Шундай кунларнинг бирида Қўркмасвой газетда Нобель мукофоти ғолиблари ҳақидаги хабарни ўқиб қолди. Кўзойнагини ечиб, бошини қашлади.

– Оббо занғар-е, бу Нобель мукофоти дегани жуда катта нарса экан-ку! Пулини айтмасизми?... Мен аҳмоқ бўлса, умримнинг ярми охирлабдию, юмалоқ хат ёзишдан нарига ўтмабман. Бугундан бошлаб шовшув бўладиган асар ёзишга киришаман. Шояд, Нобель олсам. Ҳамма қойил қоларди. Аммо...

Қўркмасвой бир нимадан чўчигандек чайнала бошлади. Думалоқ кўзлари ола-қула бўлиб атрофга аланглади. Шу тобда кўзи тоқчада турган китобга тушди. Йўқотган нарсасини топгандек қувониб кетди. Сапчиб ўрнидан туриб, китобни қўлига олди. «Шум бола». Муқовасига «Ғафур Ғулом» деб ёзиб қўйишбди. Бу ҳақда кино ҳам ишланган-ку! Аша кинони кўрганда, роса кулганди. «Ҳа, демак, асар жуда яхши ёзилган. Шу китобни у ер-бу ерига озгина сайқал бериб, ўз номимдан чоп эттирсам, ким ҳам билиб ўтирибди? Қарабсизки, бу зумда машхури жаҳон бўламан».

Шундай қилиб, Қўркмасвой ниятига етди. «Шум бола» китобини «Шўх бола»га айлантирди. Ҳозир нима кўп, хусусий наشريёт кўп. Бирининг эшигини қоқиб борди. Нашриёт бошлиғи қотмадан келган новча йигит Қўркмасвойни илқ қарши олди.

– Ака, ҳуш кўрдик. Хизмат? – Шу десангиз, «Шўх бола» деган асар қора-лагандим. Эшитишимча, сизнинг нашриётингизда чиқаётган китоблар сифати зўр экан. Энди бизнинг асарни ҳам...

– Э, нималар деяпсиз? Зўр ҳам гапми, бизда чиқаётган китоблар – «даҳшат». Ҳа, «даҳшат»? Ишонмасангиз, мана, ўзингиз кўриб баҳо бераверинг.

Толмасбек Қиличев шундай деди-да, қафларини бир-бирига ишқалади. Кейин Қўркмасвойнинг олдига уч-тўртта янги чоп этилган китобларни қўйди.

– Вой-бў, нахотки, шу китоблар сизнинг босма-хонангизда чоп этилган бўлса? Демак, бу ерга келиб адашмаган эканман. Шу десангиз, укажон, сўраганимни айби йўқ дейишди. Ўзингиз ҳам...

– Э, акажон, ўзим бу соҳадан анча йироқман. Отамнинг пуллари билан ТошМини тамомлаган-ман. Аслида жарроҳману, тиф ушлашга тобим йўқ. Отамга дардимни айтиб, шу мўъжазгина кошонани очтирдим. Мана, ёмон эмас, сизга ўшаган қалам аҳлининг хожатини чиқариб юрибмиз...

– Бўлди, тушундим, ука. Хожатбарормиз денг? – у кўлёмзани узатаркан, маъноли жилмайиб қўйди. – Оббо, акагинам-э, сиз ҳам ўзимиздан экансиз-ку! «Осилсанг, баланд дорга осил», деб чўққининг баландини кўзлабсиз-да! Нобель денг? Яхши ният – ярим мол! Ниятингиз ижобат бўлиши учун биз ҳам қўлимиздан келганини қиламиз.

Қўркмасвой хурсанд бўлгандан яна «ижод»га берилди. У Оқилжон Хусановнинг «Томда ўсган бола» асарига қалам урди. Асар сарлавҳасини «Томда ўсган бола» деб қўйди. Яқин кунларда «Шўх бола» ҳамда «Томда ўсган бола» китоблари қўлингизга тушиб қолса, ҳеч ҳам ажабланманг. Муаллифи ўзимизнинг Қўркмасвой Қайтмасов бўлади. Айни чоғда унинг иштахаси қарнай. Нобель мукофоти олиш иштиёқида Эрнест Хемингуэйнинг «Алвидо, қурол!» романига ҳам қалам уришга шай турибди...

Тахмининча, унинг китоби «Алвидо, қалам!» бўлади-ёв?!

Латиф МАНСУР,
Ўзбекистон Ёзувчилар уюشمаси аъзоси

Бир асрлик тўйингиз қутлуг бўлсин, «Муштум» бобо!

Халқимизнинг сеvimли нашри бўлган «Муштум» журнали бу давомида халқ хизматида бўлди. Жамият иллатларига қарши шаққатли манзиллардан ўтди. Гоҳ ютди, гоҳ ютқазди. Баъзан қурфасига содиқ қолди, Қодирий таърифи билан айтганда, «Зўрлиқ Азиз газетхонлар, бугун «Муштум» бўлиб қолди. Саҳифадан журналнинг яқинда чоп этилган 4-5-сонидagi баъзи ҳавжлар ўрин олган. Ўйлаймизки, 100 ёшли навқирон қадрдонингиз билан «Ishonch» саҳифаларида кўришиш сизга ҳам мамнунлик бахш этади.

МАСАЛ



Ахли шоир эди Маймун ва Айик, Бири танқид, бири мақтовга лойиқ.

Айикда бўлса ҳам савлат ва виқор. Маймуннинг китоби ҳар ойда чиқар,

Маймун дoston битар шoҳнинг савтидан, Айик ўрмон ахли манфаатидан...

Бир кун Айикни олиб келдилар, Тиф тираб бўйнига «айб»ин илдилар.

«Шоирлиқни ўрган Маймундан, маймоқ, Ҳар сатри мисли бол, бамисли қаймоқ!

Шоирлар шоҳ ишин куйлаши керак, Ундан сўнг халқ ғамин ўйлаши керак.

Мақтаъ бу – мақташдир, шарафлаш қисми, Матлаъда жаранглаб турсин шоҳ исми!

Шоҳимиз ҳаммага меҳрибон, мушфик, У ҳақда шеър ёзиб, айтайлик қўшиқ».

У мунофиқ шоир «дўст» маслагидан, Юз бурди, қайтмади ўз маслагидан.

Пинҳона, оғзаки буйруқ берди Шер, «Панжасини қирқинг, ёзoлмасин шеър!»

(Ким ўзар жанглари тинмайди абад, Токи бисёр экан қалбларда ҳасад.)

Изин йўқотдилар Айикнинг, пинҳон, Шоҳга шеър битади ҳар кун Маймунхон.

Ўзбектош ТўРАХОНЛИ,
драматург



– Меликул ака, кўчаларинг асфальт бўлганди, бу нима аҳвол? – Ўтган кун асфальт ётқизишган эди, кеча ичимлик суви ўтқизишди, бугун канализацияга чуқур қазишяпти...

Рассом Ҳасанбой СУЛТОНОВ

САҲИФАГА ИГМАГАН АТРАП

Ашурали ЖўРАЕВ, «Муштум» фахрийси

Чирогинг мудом ёниб туришини истасанг, шамолнинг йўлини вақтида тўс.

Кўз ёши – ғам билан шодлик ўртасидаги мувозанат кўприги.

Яхши шеърда юк бўлиши керак, дейдилар. Лекин бу фикрни филдай шеърда чуқоқнинг юки бўлиши керак, деб тушунамаслик лозим.

Адабиётнинг дарвозасида қоровул йўқ. Бемалол... чиқиб кетишнинг мумкин.

«Унинг ёзганларини ўқидим: бир тўпلام эмас, бир туфлам бўлибди», – деди таниқли олим Нусратилла Жумахўжа.

Ҳаётда хушёр бўлиб яшаган яхши. Лекин ўз соянгдан кўрима!

Итнинг вазоҳати ва мақсадини хуришдан билса бўлади.

ЖИДДИЯ

“ЗАНЖИР” УЗИЛИШИ ШАРТ!

Бир кун санъат йўналишида таҳсил оладиган ўртоғим якуний имтиҳонларни аъло баҳоларга ёнганини, баҳоларнинг баъзилари ўз ҳаракати, баъзилари эса домлаларга кўрсатган «ҳиммат»ининг натижаси эканлигини гапириб қолди. Лингвистикада ўқийдиган дугонам эса айрим домлалар бу «ҳиммат»ни гадойдек тилибни олаётганини айтди. Мен ҳам талабаман. Аммо бизнинг дорилфунунда бундай «гадой» устозлар йўқлиги туфайли бу гаплар мени таажжублантирди.

Тарих йўналишида ўқийдиган бир дугонам ҳам «саховат»ни сўраб олувчи устозларидан нолиди. Унга ўша жараённи билдирмасдан тасвирга олиб ёки «диктофон»га ёзиб, керакли жойга мурожаат қилишини маслаҳат бердим. У: «Ҳамма имтиҳонни ўз билимим билан топширдим. Ҳеч кимга ҳеч нарса бермадим. Айрим курсдошларим сўраганини имтиҳон бўлмасдан олдин йиғиб қўйишган экан. Устоз-

лар ҳам анойимас, тасвирга оладиган ёки диктофонга ёзадиган шароитда сўрамайди. Гўрух бошлиғига шип-шиттач, «ййғим-терим» бошланади. Сен айтган нарсанинг иложи йўқ. Фақат бир йўли бор. У ҳам бўлса – келажакда ўзимиз бу хатони қайтиб тақрорлашганимиз керак», деди.

да оёғи куйган товукдай типирчилаб қолади. Жамият ва давлат манфаати учун илм олишга интилган талабага

Унинг гапида жон бор, аммо келажак келгунча қанча қовун пишғи, қанча «ййғим-терим» бор?! Устозларнинг бу «қовун» у «қовоқ»лари ғовлаб кетмаслигига ким кафолат беради?

Баҳоларнинг қизиғи йўқ. Ҳар қандай натижага ўз меҳнати ва ҳаракати билан эришишни афзал кўрадиган ана шундай билимли талабаларнинг сафи кенгайса, «Бер-бер»ларнинг ҳам оғзи ёпилади.

Бу билан айрим устозларни ёмонлаш, уларнинг устидан тугал хулоса чиқариш ниятим йўқ. Устозлар ҳақида нимадир ёзишим учун, аввало, ўзим ҳам камида уларнинг даражасида бўлишим керак. Қарс икки қўлдан чиқади. Аммо, бир нарса борасида фикрим қатъий: «Коррупция жамият ва давлат илдизига урилган болта» деб ёзилган шиорлар кўтаришимиз, «Коррупциядан огоҳ бўлинг!» деган тadbирлар ўтқизишимиз самара бериши учун, энг аввало, таълим тизимидаги «ййғим-терим»ларни йўқотишимиз керак. Коррупционер домлаларининг қовушини тўғрилашмиш шарт! Йўқса, шоғирд устозидан ўрганганини қилади. Эртанги талабанинг кунли бугунги «қовоқ-бош» бўлажак устозга қолади.

Сурайё ЖўРАЕВА, ЎзЖОКУ биринчи босқич талабаси



МУАССИС:



2007-yil 11-yanvarda O'zbekiston Matbuot va axborot agentligida 116-raqam bilan ro'yxatga olingan.

«Ishonch» va «Ishonch-Doverie» gazetaları tahrir hay'ati:

Qudratilla RAFIQOV (tahrir hay'ati raisi), Ulug'bek JALMENOV, Anvar ABDUMURODOV, Sayfullo AHMEDOV, Akmal SAIDOV, Ravshan BEDILOV, Qutlimurot SOBIROV, Suhrob RAFIQOV, Shoqosim SHOISLOMOV, Hamidulla PRIMQULOV, Nodira G'OIYIBNAZAROVA, Anvar QULMURODOV

(Bosh muharrirning birinchi o'rinbosari).

Mehrididdin SHUKUROV (Mas'ul kotib – «Ishonch»),

Valentina MARSENYAK (Mas'ul kotib – «Ishonch-Doverie»)

Bosh muharrir Husan ERMATOV

Bo'limlar: Kasaba uyushmalari hayoti – (71) 256-64-69 Huquq va xalqaro hayot – (71) 256-52-89 Milliy-ma'naviy qadriyatlar va sport – (71) 256-82-79 Xatlar va muxbirlar bilan ishlash – (71) 256-85-43 Marketing va obuna – (71) 256-87-73

Hududlardagi muxbirlar:

Qoraqalpog'iston Respublikasi – (+98-97) 506-86-98 Andijon viloyati – (+98-99) 889-90-23 Buxoro viloyati – (+98-91) 406-43-24 Jizzax viloyati – (+98-99) 889-90-34 Namangan viloyati – (+98-99) 889-98-02 Navoiy viloyati – (+98-99) 889-90-28 Samarqand viloyati – (+98-99) 889-90-26 Sirdaryo viloyati – (+98-99) 889-98-55 Surxondaryo viloyati – (+98-99) 889-90-32 Toshkent viloyati – (+98-99) 600-40-44 Farg'ona viloyati – (+98-99) 889-90-24 Xorazm viloyati – (+98-99) 889-98-01 Qashqadaryo viloyati – (+98-99) 889-90-27

«Ishonch»dan olingan ma'lumotlarda manba sifatida gazeta nomi ko'rsatilishi shart.

Mualliflar fikri tahririyat nuqtai nazaridan farqlanishi mumkin.

Navbatchi muharrir S. Abdurahmonov

Musahhih: D. Ravshanova

Sahifalovchi H. Abdullajilov

Bosishga topshirish vaqti – 19:40 Topshirildi – 20:00

Bahosi kelishilgan narxda

Manzillimiz:

100165, Toshkent shahri, Buxoro ko'chasi, 24-uy. E-mail: ishonch1991@yandex.uz

Tahririyat hisobraqami: 2021 0000 0004 3052 7001, ATIB «Ipoteka bank» Yashnobod filiali, bank kodi: 00959, STR: 201133889, OKED: 58130

Gazeta haftaniga seshanba, payshanba va shanba kunlari chiqadi. Gazeta «Ishonch»ning kompyuter markazida teriladi va sahifalandi.

Gazeta ofset usulida, A-2 formatida bosiladi. Hajmi 2 bosma taboq. Buyurtma G-513 Nashr ko'rsatkichi: 133 1 2 3 4 5 6

Umumiy adadi 31183 14510 nusxasi «Sharq» nashriyot-matbaa aksiyadorlik kompaniyasi boshqaruvchisi chop etildi.

Korxona manzili: Toshkent shahri, Buyuk Turon ko'chasi, 41-uy.